

Član 15.

(Kaznene odredbe)

- (1) Novčanom kaznom od 300,00 KM do 1.000,00 KM kaznit će se fizičko ili pravno lice koje ne postupi u skladu s članom 10. stav 2. ove Odluke.
- (2) Novčanom kaznom od 1.000,00 KM do 5.000,00 KM kaznit će se pravno lice koje postupi suprotno članu 13. ove Odluke.
- (3) Novčanom kaznom od 300,00 KM do 1.500,00 KM kaznit će se odgovorno lice u pravnom licu koje postupi suprotno članu 13. ove Odluke.
- (4) Novčanom kaznom od 300,00 KM do 1.000,00 KM kaznit će se fizičko lice koje postupi suprotno članu 13. ove Odluke.

Član 16.

(Pravila postupka)

Odobrenje za sječu ili potkresavanje stabala nadležna općinska služba donosi prema pravilima Zakona o upravnom postupku Federacije Bosne i Hercegovine.

Član 17.

(Nadzor)

Nadzor nad provođenjem ove Odluke vrši nadležna općinska inspekcija.

Član 18.

(Započeti postupci)

Ako je do dana stupanja na snagu ove Odluke upravni postupak pokrenut kod nadležnog organa, a nije doneseno prvostepeno rješenje ili je rješenje poništeno i vraćeno prvostepenom organu na ponovni postupak, postupak će se nastaviti po odredbama ove Odluke.

Član 19.

(Stavljanje van snage ranijih propisa)

Stupanjem na snagu ove Odluke prestaje da važi Odluka o sječi i potkresivanju stabala ("Službene novine Kantona Sarajevo", broj 5/10).

Član 20.

(Stupanje na snagu)

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 02-45-659/25
Septembra 2025. godine
Sarajevo

Predsjedavajući
Općinskog vijeća
Stari Grad Sarajevo
Seid Škaljić, s. r.

ODLUKU

O PREKRŠAJIMA PROTIV JAVNOG REDA I MIRA
OPĆINE STARI GRAD SARAJEVO

I - OPĆE ODREDBE

Član 1.

(Predmet)

Odlukom o prekršajima protiv javnog reda i mira Općine Stari Grad Sarajevo (u daljnjem tekstu: Odluka) utvrđuju se prekršaji protiv javnog reda i mira na području Općine Stari Grad Sarajevo (u daljnjem tekstu: Općina) i prekršajne sankcije koje se izriču počiniocima prekršaja u skladu Zakonom o prekršajima protiv javnog reda i mira ("Službene novine Kantona Sarajevo", broj 18/07, 7/08 i 34/20 (u daljem tekstu: Zakon), kao i prekršaji protiv javnog reda i mira na području Općine i prekršajne sankcije koje se izriču počiniocima prekršaja, a koji nisu propisani Zakonom.

Član 2.

(Prekršaji protiv javnog reda i mira)

Prekršaji protiv javnog reda i mira, u smislu odredaba ove Odluke, su djela kojima se na nedozvoljen način remeti mir, red i normalan način života građana, stvara neraspoloženje, uznemirenost ili ometa kretanje građana na ulicama i drugim javnim mjestima ili se na drugi način narušava javni red i mir građana utvrđen ovom Odlukom.

Član 3.

(Prekršajne sankcije)

Za prekršaje protiv javnog reda i mira, u skladu sa ovom Odlukom, može se izreći novčana kazna i zaštitna mjera privremenog oduzimanja predmeta.

Član 4.

(Značenje izraza)

Pojedini izrazi upotrijebljeni u ovoj Odluci imaju sljedeće značenje:

- a) "Javno mjesto" u smislu odredaba ove Odluke je javno mjesto definisano članom 4. Zakona o prekršajima protiv javnog reda i mira ("Službene novine Kantona Sarajevo", broj 18/07, 7/08 i 34/20)
- b) "Vraćanje" je korištenje lakovjernosti osobe, najčešće proricanjem sudbine, odnosno budućnosti koje se obavlja za novac ili drugu protivuslugu.

II - PREKRŠAJI PROTIV JAVNOG REDA I MIRA I
PREKRŠAJNE SANKCIJE

Član 5.

(Prekršaji i novčane kazne za fizička lica)

- (1) Novčanom kaznom od 100,00 KM kaznit će se za prekršaj:
 - a) ko uznemirava stanare upotrebom telefona, zvonceta ili interfona ili kucanjem na vrata stana bez potrebe, kao i radi prodaje robe, gatanja ili proricanja sudbine ili pružanje usluga koje nisu ugovorene ili naručene,
 - b) ko pršće prolaznike vodom prilikom pranja ulica, pločnika ili dvorišta, zalijevanja vrtova ili travnjaka ili od vozila u pokretu,
 - c) ko pere motorna vozila ili prosipa motorna ulja na mjestu gdje to nije predviđeno,
 - d) ko pere tepihe i druge predmete ispred zgrada ili ko istresa tepihe, jorgane, posteljine, stolnjake i druge predmete i otpatke sa balkona i terasa stambenih zgrada,

- e) ko sapira balkone vodom koja se sliva niz zgradu, odnosno balkone,
- f) ko parkira motorno vozilo uz rijeke, vodotoke i zelene površine bez odobrenja nadležnog organa,
- g) ko prodajom novina, ispred i na raskrsnicama, ugrožava sigurnost učesnika u javnom saobraćaju.
- (2) Novčanom kaznom od 150,00 do 450,00 KM kaznit će se za prekršaj:
- a) ko baca na prolaznike i vozila led ili snijeg sabijen u grudve, kamenje ili druge predmete ili ko baca na prolaznike predmete, hranu ili prosipa tekućinu iz zgrada ili ograđenih prostora,
- b) ko pere prozore ili druga stakla na vozilima ispred i na raskrsnicama,
- c) ko piše grafitu po fasadama i ulazima zgrada, javnim prevoznim sredstvima, spomenicima, potpornim zidovima, reklamnim panoima i sl.,
- d) ko lomi ili na drugi način oštećuje ili uništava sadnice i rasad na javnim površinama,
- e) ko se vješa ili penje na sredstva javnog gradskog saobraćaja ili ko iskače, izlazi ili se naginje iz sredstva javnog gradskog saobraćaja u pokretu,
- f) ko se bavi prodajom ulaznica za sportske, bioskopske ili druge priredbe na mjestima koja nisu određena za tu svrhu,
- g) ko pomjera kontejnere za smeće sa mjesta koja su utvrđena odlukom nadležnog organa ili ko odlaže smeće mimo kontejnera ili ko pali vatru u i oko kontejnera za smeće ili ko ošteti kontejner za smeće,
- h) ko ulazi ili se okuplja u napuštenim privatnim ili državnim objektima,
- i) ko šutiranjem lopte u fasade zgrada, reklame, panoe, ograde i vozila u mirovanju uznemirava stanare i prolaznike i nanosi štetu navedenoj imovini,
- j) ko u svojstvu vlasnika, zakupca ili korisnika stambenog objekta, porodične zgrade, zgrade kolektivnog stanovanja, poslovnog objekta i zemljišta, odlaže napuštena, neregistrovana, havarisana vozila ili dijelove vozila u dvorištima, vrtovima, voćnjacima, dijelovima trotoara, ulaza i prilaza u objekte,
- k) ko kao učesnik u saobraćaju iz vozila u stanju kretanja ili mirovanja izbacuje otpad (opuške, razne ambalaže, kese, papir, flaše i sl.),
- l) ko izvodi pse u šetnju bez zaštitne brnjice i povodca i ko ne veže propisno životinju/kućnog ljubimca i time uzrokuje uznemirenje i strah kod drugih lica,
- m) ko postupa sa životinjama na način kojim izaziva uznemirenje ili negodovanje građana, ili ko ne ističe upozorenje na opasnost na ulazu u zatvoreno dvorište ili drugi određeni prostor gdje su smještene opasne životinje ili ko uvodi životinje u prodavnice i slične objekte,
- n) ko kupu životinje ili ne ukloni nečistoće iza životinja na javnom mjestu, i
- o) ko surovo postupa sa životinjama, izaziva ih ili ih podstrekava na borbu, ili ko kolje životinje na javnom mjestu, izuzev u dvorištima i baštama individualnih stambenih objekata za vrijeme vjerskih praznika.
- (3) Novčanom kaznom od 400,00 do 600,00 KM kaznit će se za prekršaj:
- a) ko se bavi vraćanjem, proricanjem sudbine ili sličnim obmanjivanjem, ili ko objavljuje oglase, propagira ili na drugi način građane poziva ili podstiče da se podvrgnu vraćanju ili proricanju sudbine, ili ko u vraćanju na bilo koji način pomaže licu koje se bavi tim aktivnostima,
- b) ko, u svojstvu učesnika ili posjetioca, unosi alkoholna pića u sportske i kulturne objekte za vrijeme održavanja sportskih i kulturnih manifestacija,
- c) ko konzumira alkohol na otvorenim prostorima, parkovima, ispred prodavnica i drugim prostorima koji nisu za to predviđeni, ili ko omogući da se ispred prodavnice ili drugog poslovnog objekta ili prostorija koje nisu za to predviđene, konzumiraju alkoholna pića,
- d) ko nedozvoljeno koristi javnu površinu bez odobrenja nadležnog organa,
- e) ko prodaje robu ili pruža usluge na javnim površinama bez odobrenja nadležnog organa i bez obzira da li se nalazi u svojstvu trgovca,
- f) ko neovlašteno izvodi radove na instalacijama i provlači nove instalacije u stambenim zgradama za čije je izvođenje potrebno odobrenje i saglasnost nadležnog organa,
- g) ko u zajedničkim dijelovima stambenih i drugih zgrada pali vatru,
- h) ko poslije izvođenja radova na infrastrukturi, površinu ne dovede u prvobitno stanje,
- i) ko uznemirava građane pjevanjem, vikanjem, sviranjem, puštanjem muzike ili stvaranjem sličnih izvora buke u stambenim zgradama ili u naseljenim mjestima ili na otvorenom prostoru u vremenu od 16,00 do 18,00 sati i od 22,00 do 07,00 sati narednog dana,
- j) ko stvaranjem nepotrebne buke sječom drva i drugih drvenih i metalnih predmeta u vremenu od 17,00 do 19,00 i 22,00 do 08,00 sati,
- k) ko ometa javno pozivanje vjernika na molitvu, u vrijeme ezana, stvaranjem buke izvođenjem i reprodukcijom muzičkih i drugih sadržaja i
- l) roditelj, usvojilac, odnosno staralac maloljetnika koji je učinio prekršaj protiv javnog reda i mira propisan ovom Odlukom, ako je izvršenje prekršaja posljedica njegovog propuštanja dužnog staranja o maloljetniku, a u mogućnosti je da takav nadzor vrši.
- (4) Novčanom kaznom od 600,00 KM do 800,00 KM kaznit će se za prekršaj:
- a) ko u ugostiteljskom objektu kao i u njegovoj neposrednoj blizini, baštama objekata, stvara buku izvođenjem i reprodukcijom muzičkih i drugih sadržaja bez odobrenja ili suprotno odobrenju nadležnog organa u vremenskom periodu od 22,00 do 06,00 sati, odnosno u vremenskom periodu od 02,00 do 06,00 sati u noći sa petka na subotu i subota na nedjelju kao i u dane održavanja posebnih kulturnih manifestacija i događaja od značaja za Kantona Sarajevo i Općinu Stari Grad Sarajevo u cjelini (kao npr. Sarajevo Film Festival i sl.), u vremenskom periodu od 04,00 do 06,00 sati te u

- dane praznika, uz poštivanje strogih pravila u pogledu ispunjavanja uslova za zaštitu od buke predviđenih Zakonom o zaštiti od buke ("Službene novine Kantona Sarajevo", broj 23/16), kao i drugih pravila definisanih zakonskim i podzakonskim propisima i
- b) ko u ugostiteljskom objektu stvara buku izvođenjem i reprodukcijom muzičkih i drugih sadržaja u neposrednoj blizini obrazovnih, zdravstvenih i vjerskih institucija u vremenskom periodu od 08,00 do 18,00 sati.
- (5) Novčanom kaznom od 500,00 KM do 1000,00 KM kaznit će se za prekršaj
- a) ko odlaže ili spaljuje otpad (smeće) i drugi nevegetacijski materijal (guma, plastika i sl.) mimo postavljenih posuda za otpad ili izvan sanitarne deponije otpada Kantona Sarajevo, odnosno na javnim površinama, mjestima ili u postrojenjima za koja nije izdato odobrenje za odlaganje odnosno spaljivanje otpada u skladu sa važećim propisima,
- b) ko ispušta neprijatni miris iz proizvodnih pogona, ugostiteljskih objekata i drugih izvora,
- c) ko u stambeno-poslovnim zgradama ispušta neprijatne mirise u sisteme ventilacije koji nisu predviđeni za te svrhe,
- d) ko koristi putne kanale uz lokalne i nekategorisane puteve, ulične slivnike (kao uređaje za odvodnju atmosferskih i otpadnih voda) za vođenje kišnice kroz oluke u fekalnu kanalizaciju i uvođenje fekalne kanalizacije u oborinske kanale, rijeke ili potoke,
- e) ko u svojstvu fizičkog ili pravnog lica otvorene ili zatvorene slivničke kanale za odvođenje atmosferskih voda premoštava, začepnja, zasipa kao i na svaki drugi način preusmjerava vode cestovnog kanala, bez odobrenja nadležne općinske službe,
- f) ko u svojstvu fizičkog ili pravnog lica izvrši bespravni priključak na komunalnu infrastrukturu (vodovodnu i kanizacionu mrežu),
- g) ko svojim postupanjem ometa rad službenih lica (redare javnih komunalnih preduzeća, inspektore i druga službena lica u obavljanju njihovih poslova i zadataka).

Član 6.

(Prekršaji i novčane kazne za pravna i odgovorna lica)

Novčanom kaznom od 2.000,00 KM do 6.000,00 KM će se kazniti pravno lice, odnosno novčanom kaznom od 200,00 do 600,00 KM odgovorno lice u pravnom licu, za prekršaje iz člana 5. stav (1) tačka c), stav (2) tačka f), stav (3) tačke b), c), d), e), f), h), j) i k), stav (4) i stav (5) ove Odluke.

Član 7.

(Prihodi)

Prihod ostvaren naplatom novčanih kazni propisanih ovom Odlukom je prihod Budžeta Općine.

III - NADZOR

Član 8.

(Nadzor i provođenje odredaba Odluke)

- (1) Provođenje odredaba ove Odluke vršit će općinska inspekcija, druge nadležne inspekcije te nadležna policijska uprava, svako iz svoje nadležnosti.

- (2) Policijska uprava i općinski načelnik najmanje jedanput godišnje izvještavaju Općinsko vijeće Stari Grad Sarajevo o izvršavanju odredaba ove Odluke.

Član 9.

(Privremeno oduzimanje predmeta)

- (1) Kada u vršenju službenih poslova i zadataka saznaju za prekršaj propisan ovom Odlukom, policijski službenici ili inspektori mogu privremeno oduzeti predmete koji su upotrijebljeni ili su bili namijenjeni za izvršenje prekršaja ili koji su nastali izvršenjem prekršaja, kao i predmete koji mogu poslužiti kao dokaz u prekršajnom postupku.
- (2) O privremenom oduzimanju predmeta policijski službenici ili inspektori licu od koga su predmeti oduzeti izdaju potvrdu koja sadrži: naziv i sjedište organa čiji je policijski službenik ili inspektor oduzeo predmete, naziv, vrstu i količinu oduzetih predmeta, ime i prezime lica od koga su oduzeti predmeti i njegovu adresu, razlog oduzimanja, datum, vrijeme i mjesto oduzimanja, pečat i potpis policijskog službenika ili inspektora.

Član 10.

(Postupak sa oduzetim predmetima)

Odredbe člana 11. Zakona o prekršajima protiv javnog reda i mira ("Službene novine Kantona Sarajevo", br. 18/07, 7/08 i 34/20) odgovarajuće se primjenjuju i kada je u pitanju postupak za oduzete predmete za prekršaje koji su propisani ovom Odlukom.

IV - ZAVRŠNE ODREDBE

Član 11.

(Ravnopravnost spolova)

Gramatička terminologija korištenja muškog ili ženskog roda u ovoj Odluci podrazumijeva uključivanje oba roda.

Član 12.

(Prestanak primjene važeće Odluke)

Danom stupanja na snagu ove Odluke prestaje da važi Odluka o prekršajima protiv javnog reda i mira ("Službene novine Kantona Sarajevo", br. 39/07 i 23/17).

Član 13.

(Stupanje na snagu)

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 02-45-666/25
Septembra 2025. godine
Sarajevo

Predsjedavajući
Općinskog vijeća
Stari Grad Sarajevo
Seid Škaljić, s. r.

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06 i 51/09), člana 26. Statuta Općine Stari Grad Sarajevo ("Službene novine Kantona Sarajevo", broj 20/24) i odredaba Odluke o davanju na korištenje kompleksa "Bijela tabija" Općini Stari Grad Sarajevo i saglasnosti Općini Stari Grad Sarajevo za ustupanje trećim licima i JKP Općine Stari Grad Sarajevo, broj 1265/2025 od 30.07.2025. godine, Općinsko vijeće Stari Grad Sarajevo, na 10. redovnoj sjednici, održanoj dana 25.09.2025. godine, donijelo je